

1974

2

MACHANG, 16 OGOS (BERNAMA) -- SETIAUSAHA POLITIK KEPADA PERDANA MENTERI, DATUK ABDULLAH AHMAD BERKATA HARI INI, PERCAKARAN SESAMA SENDIRI DIKALANGAN ORANG-ORANG MELAYU AKAN MENGGENDALAKAN USAHA-USAHA PEMBANGUNAN YANG DITUJUKAN KHUSUS UNTUK MENINGGIKAN TARAF HIDUP MEREK.

PERBUATAN SEPERTI INI BOLEH MENGAKIBAHKAN ORANG-ORANG MELAYU SENDIRI TERTINGGAL SEPERTI KEADAAN MEREKA 15 TAHUN YANG LALU, TAMBAH BELIAU.

BELIAU LALU MENINGATKAN BAHWA TUGAS RAKYAT DIZAMAN PEMBANGUNAN INI IALAH MEMBERI SOKONGAN KEPADA PUCUK PIMPINAN KERAJAAN SEKARANG DAN MENENTANG MANA-MANA PIHAK YANG CUBA MEROSAKKANNYA.

DATUK ABDULLAH, CALUN BARISAN NASIONAL KAWASAN PARLIMEN MACHANG, BERKATA DEMIKIAN DALAM PERTEMUANNYA DENGAN PENDUDUK-PENDUDUK LABOK, DEKAT SINI, HARI INI.

DATUK ABDULLAH, KEMUDIAN MENGUMUMKAN PERUNTUKAN SEGERA \$10,000 UNTUK MEMBAIKI SEBUAH MESJID LAMA DIKAMPUNG ITU.

BERUCAP DALAM MAJLIS YANG SAMA, SEORANG AHLI MAJLIS KERJA TERTINGGI UMNO MALAYSIA, DR. MAHATHIR MOHAMAD MEMBERI AMARAN BAHWA PUCUK PIMPINAN MELAYU MUNGKIN LENYAP JIKA ORANG-ORANG MELAYU SENDIRI TIDAK MEMBERI SOKONGAN KEPADA CALUN-CALUN MELAYU BARISAN NASIONAL.

BELIAU MENINGATKAN KEMBALI KEPADA KEADAAN YANG MERUGIKAN AKIBAH DARI PERTENTANGAN ANTARA UMNO DAN PAS SEBELUM KERAJAAN CAMPURAN DITUBUHKAN.

DR. MAHATHIR BERKATA, DENGAN ADANYA KERAJAAN CAMPURAN DAN SEKARANG PULA BARISAN NASIONAL, PUCUK PIMPINAN BANGSA MELAYU BOLEH DIPERKUATKAN LAGI. --BERNAMA 1830/SZ